

cavitatibus dextri cordis, rubefacta videtur haec membrana interna, velut sanguinis imbibitione orta. Nulla valvularum induratio; num intumescencia earum exstet, certo dirimere non ausim.

Membrana interna vasorum majorum, aortae et carotidum, nullo modo mutata.

Octo fere unciae seri rubri in pectoris parte inferiori inveniebatur.

Tractus intestinalis incisus nil anomali ostendit, nisi vermes tres majores ac teretes.

Hepar aequae ac reliqua viscera abdominis nullo morbo mutata apparebant.

Valde doleo, me veniam non impetrasse, totum cor auferendi, quare parvam tantum partem ventriculi sinistri fustim excisam ostendere potui in clinico nosocomiali caritatis, cui praestitit Ill. Barez, quae vero pars supra narrata satis clare probavit. —

V I T A.

Natus ego sum Fridericus Guilelmus Kuepper, confessioni evangelicae addictus, a. MDCCLXXV, octavo Februarii die, Mettmanniae, pago prope Düsseldorfium sito, patre carissimo J. A. Kuepper, praefecto summo rerum ecclesiasticarum provinciae Rhenanae, matre dilectissima e gente Marcus, quos parentes superstites per divinam gratiam intimo animo

veneror. Inde a prima aetate patris optimi institutione sapientissima, juvantibus viris dilectissimis Guil. Schmidt et Jac. Becker, usus, adii Gymnasium Treviris florens sub auspiciis Cel. Wyttensbach. Superata classe tertia ac secunda, jubente patre Saaraepontem me contuli ibique proh dolor! alteram classis secundae partem et primam emensus, annos duos et dimidium commoratus sum. Examine maturitatis rite absoluto, aliam Fridericam Guilelman Berolinensem petii.

Rectore Magnifico Ill. Steffens xxix. die Oct. a. MDCCCXXXIV numero civium academicorum adscriptus et a viro Ill. Busch, tum temporis Decano, in facultatem medicam receptus sum.

Per semestria tria interfui scholis virorum illustrissimorum hujus academiae.

Encyclopaediam et methodologiam medicam me docuit Ill. Hecker; osteologiam Ill. Schlemm; anatomiam Ill. J. Müller, idem anatomiam cerebri et sensuum organorum; chemiam experimentalem Ill. Mitscherlich; physicen experimentalem Cl. Dove. In cadaveribus secandis duces mihi fuerunt Ill. Müller et Schlemm per hiemes duas.

Physiologiam, physiologiam generationis et anatomiam comparatam mihi tradidit Ill. Müller; sensuum organorum anatomiam Ill. Schlemm; zoologiam Cl. Wiegmann; botanicen Ill. Kunth.

Praeterea usus sum praeceptore Ill. Müller de anatomia et theoretica et practica; Ill. Schlemm de splanchnologia et syndesmologia; de materia medica

Cl. Mitscherlich; de morbis syphiliticis Ill. Horn; de logice Cl. Trendelenburg.

Tum aliam petii universitatem litterarum Bonnensem ibique a Rectore Magnifico Ill. Freytag die xi. Maji a. mccccxxxvi adscriptus numero civium academicorum per tria semestria his interfui praelectionibus:

Ill. Nasse de therapia generali, de anthropologia, therapia speciali, de morbis psychicis et de educatione medici; Ill. Wutzer de anatomia chirurgica, de morbis oculorum et chirurgia; Ill. Kilian de arte obstetricia.

Clinicis scholis interfui pathologicis et therapeuticis Ill. Nasse, quem pro comitate sua ad ultimum vitae diem venerabor; chirurgicis Ill. Wutzer; obstetriciis Ill. Kilian.

Tum Berolinum redux a Rectore Magnifico Ill. Boeckh numero civium academicorum adscriptus x. die Novembris a. mccccxxxvii, per annum interfui clinicis virorum Cel. Barez, Generos. a Graefe, Cel. Wolff.

Quibus viris celeberrimis quas possum maximas habeo gratias, meque humanitatis comitatisque, qua me instituerunt, nunquam immemorem fore, polliceor.

Examine philosophico, tentamine medico et examine riguroso jam sexto die Septembris anni superioris superatis, postea graviori morbo irretitus, nunc demum dissertatione conscripta, thesibusque publice defensis, spero fore, ut summi in me conferantur in medicina utraque honores.
